



basic education

Department:
Basic Education
REPUBLIC OF SOUTH AFRICA

DEPARTMENT OF BASIC
EDUCATION

PRIVATE BAG X895, PRETORIA 0001

24 - 05 - 2025

APPROVED MARKING GUIDELINE

PUBLIC EXAMINATION

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

SESOTHO PUO YA LAPENG (HL)

PAMPIRI YA BORARO (P3)

MOTSHEANONG/PHUPJANE 2025

TATAISO YA HO TSHWAYA

MATSHWAO: 100

APPROVED

E.M SKOSANA

23/05/2025

APPROVED

DR M MATSABISA

24/05/2025

APPROVED

MP THITO

24/05/2025

Tataiso ena ya ho tshwaya e na le maqephe a 11.

KAROLO YA A: MOQOQO**Dintlha tsa tataiso tsa meqoqo****1.1 Phephetso eo ke e hlotseng ka katleho.**

Mohlahlobuwa o ngola meqoqo ka phephetso eo a e hlotseng ka katleho.

Dikahare tse ka lebellwang e ka ba tsena tse latelang:

- Moqoqong ona mohlahlobuwa a ka qoqa ka phephetso eo a kopaneng le yona.
- A ka hlalosa maikutlo a hae ka se ileng sa mo hlahela.
- A ka pheta kamoo a ileng a atleha ho hlola phephetso eo.

[50]**1.2 Feberu ya dikgoho e tlisitse mathata maphelong a rona le naha ka bophara.**

Moqoqong ona mohlahlobuwa o qoqa ka mabaka a etsang hore feberu ya dikgoho e tlise mathata setjhabeng.

Dikahare tse ka lebellwang e ka ba tsena tse latelang:

- Mohlahlobuwa a ka hlalosa kamoo bophelo bo thatafetseng kateng ka baka la feberu ya dikgoho;
- A ka hlalosa sesosa sa feberu eo;
- A ka fana ka keletso hodima qaka ena.

[50]**1.3 Na matsatsing a kajeno ho nyala sethepu ke ntho e nepahetseng?**

Mofuteng ona wa meqoqo mohlahlobuwa o kgetha lehlakore, o lokela ho tshehetsa lehlakore la hae la sehlooho ka ho totobatsa ntlhakemo ya hae.

Dikahare tse ka lebellwang e ka ba tsena tse latelang:

- Mohlahlobuwa ha a dumellana le sehlooho, a hlakise kamoo sethepu se nepahetseng kateng;
- Mohlahlobuwa ha a hanana le sehlooho, a hlakise kamoo sethepu se sa nepahalang kateng.
- A be a fane ka ntlhakemo ya hae hodima seo a se kgethileng.

[50]**1.4 Dikgwebo tsa melata di a thusa hape di senyetsa setjhaba.**

Mofuteng ona wa meqoqo mohlahlobuwa o tshehetsa mahlakore a mabedi a taba mme qetellong a hlalise ntlhakemo ya hae.

Dikahare tse ka lebellwang e ka ba tsena tse latelang:

- Mohlahlobuwa a tshehetse mahlakore a mabedi a taba ena ka ho fana ka dintle le dimpe tse bakwang ke dikgwebo tsa mofuta oo;
- A sehollle tshebetso ya dikgwebo tsa melata;
- A thoholetse tse ntle tse tliswang ke dikgwebo tseo;
- Mohlahlobuwa a hlalise ntlhakemo ya hae.

[50]

1.5 Ke ithutile hore matsoho a a hlatswana.

Mofuteng ona wa moqoqo mohlalobuwa o tebisa maikutlo le ho hlalosa sehlooho ka botebo.

Dikahare tse ka lebellwang e ka ba tsena tse latelang:


- Mohlahlobuwa a ka qoqa kamoo ho leng molemo kateng hore batho ba thusane.
- A ka hlakisa bohlokwa ba ho ananela thuso ho tswa ho ba bang.

[50]**1.6–
1.8 Setshwantsho sa 1.6, 1.7 le 1.8**

Moqoqong ona mohlalobuwa o boha setshwantsho, mme o iqapela sehlooho ka mohopolo wa sehlooho o qholotswang maikutlong a hae.

Dikahare tse ka lebellwang e ka ba tsena tse latelang:

- Moqoqo ona o ka ngolwa ho tswa lehlakoreng lefe kapa lefe, ho latela moelelo oo a o fumanang ka setshwantsho.

[50]**MATSHWAO OHLE A KAROLO YA A:****50**

KAROLO YA A: MOQOQO

Ho tshwaya tema ya boiqapelo

Moqoqo o lokela hore o bonahale hore o tshwauwe wa ba wa abelwa matshwao ka tshwanelo. Matshwao a abilweng bakeng sa moqoqo, a lokela a be a le bopaki ba hore o tshwauwe ka nepo.

Ho fapana le kgutsufatso, moo ho nang le dipehelo tsa mantswa tse notlehileng, moqoqo wona ke mosebetsi wa boiqapelo. Haeba moqoqo o phalla malebana le boiqapelo ebile o hapa mmadi, ha se toka ho tsepamisa maikutlo ho bolelele feela ho sa tsotellwe dikahare. Molao o ka sehloohong ke wa hore:

Ha ho na dikotlo tse ding tse ka eketswang kaha ruburiki ka boyona e na le dikotlo tsa yona.

MEFUTA YA MEQOQO

Mefuta ya Ditema	Ditema tsa Phetelo/o hlaosang	Ditema tsa Dinnete	Ngangisano/o sa nkeng lehlakore (Ditema tse susumetsang)
Sebopeho sa ka ntle	<ul style="list-style-type: none"> • Sehlooho • Selelekela • Mmele • Phethelo 	<ul style="list-style-type: none"> • Sehlooho • Dihloohwana • Selelekela • Mmele • Phethelo 	<ul style="list-style-type: none"> • Sehlooho • Selelekela • Mmele • Phethelo
Sebopeho sa seratswana	<p>Mohato/Setepe Moralo wa manitha o hatellang hodima ditsela tse itseng tsa ho etsa dintho le tsa phetelo tse itshetlehileng hodima tihahlamano ya diketsahalo ho latela nako.</p> <ul style="list-style-type: none"> • Polelo ya mohopolo wa sehlooho • Dipolelo tsa tlatsetso ho bontsha tihahlamano ya diketsahalo. 	<p>Ketane Dipolelo tse hlahang di latelana di hokahantswe ke polelo e tlang pele.</p> <ul style="list-style-type: none"> • Polelo ya mohopolo wa sehlooho • Dipolelo tsa tlatsetso 	<p>Mokolokotwane Mathathama a dingangisano/dinnete tse phaelletsweng ho tshhetsa nthā e itseng.</p> <p>Botsitso Ho tshhetsa mahlakore ka bobedi ka dingangisano tse lekalekanang mabapi/kgahlanong le nthakgolo, e le ho fana ka tekatekano lehlakoreng ka leng.</p> <p>Ngangisano: Selelekela – nthakemo e hlake Mmele:</p> <ul style="list-style-type: none"> • Polelo ya mohopolo wa sehlooho. • Bopaki – dipolelwana tse tshhetsang polelo e jereng mohopolo wa sehlooho. • Tihaloso ya bopaki – ho bontsha kamoo e tsamaellanang le polelo e jereng mohopolo wa sehlooho kateng. • Lehokela le tšisang momahano diratswaneng. • Dingangisano tse latelwang ke ditthaloso <p>Phethelo:</p> <ul style="list-style-type: none"> • Dikgothaletso • Kgutsufatso/phethelo • Nthakemo e hlahelle <p>O sa nkeng lehlakore: Selelekela – nthakemo e hlake Mmele:</p> <ul style="list-style-type: none"> • Polelo ya mohopolo wa sehlooho • Bopaki – dipolelwana tse tshhetsang polelo e jereng mohopolo wa sehlooho. • Tihaloso ya bopaki ho bontsha kamoo e tsamaellanang le polelo e jereng mohopolo wa sehlooho. • Lehokela le tšisang momahano diratswaneng. • Dinthā tse kgahlanong le sehlooho hammoho le mabaka. <p>Phethelo:</p> <ul style="list-style-type: none"> • Dikgothaletso • Kgutsufatso/phethelo • Nthakemo e hlahelle
Makgetha (Matswao)	<ul style="list-style-type: none"> • Di re qoqela ka pale e mabapi le motho/batho, sebaka le nako ya diketsahalo. • Di na le mopheti kapa mongodi wa pale. 	<ul style="list-style-type: none"> • Di fana ka tsebo kapa tihahisoleseding ya nnete. 	<ul style="list-style-type: none"> • Di ikemiseditse ho hohela/ho okaoketsa maikutlo kapa diketso tsa mmadi.


Makgetha a puo	<ul style="list-style-type: none"> Puo ya semmuso kapa eo e seng ya semmuso Lekgathe lefetile le sebediswa haholo. Mahokedi a kang kamora, yaba, pele ho moo, pele, kahoo, jj. 	<ul style="list-style-type: none"> Puo ya semmuso Lekgathe lejwale le a sebediswa. Puo e sa bontsheng maikutlo a mongodi Jakone (puo e sebediswang lekaleng le ikgethileng la tsa mosebetsi.) Sehalo sa semmuso 	<ul style="list-style-type: none"> Puo e tobang taba e a sebediswa. Puo ya bonono, e kang ya mekgabisopuo. E hlaha eka e tseba matswalo le ditabatabelo tsa rona kahoo di sebedisa monyetla oo ho okaoketsa maikutlo a babadi. E hlaha dikgopolotaba eka ke taba. ditshwantsho & tsebediso ya mmala. Dingangisano tse sekametseng lehlakoreng le le leng.
-----------------------	---	--	---

ELA TLHOKO:

- Sebedisa ruburiki ena e latelang ka nako tsohle ha o lekanyetsa meqoqo.
- Matshwao a 0–50 a arotswe ho ya ka dikgato tse 5 tsa ditlhaloso tsa phihlello.
- Lekgetheng la Dikahare, Puo le Setaele, tlhaloso e nngwe le e nngwe ya phihlello e arotswe habedi ho hlaha boemo bo hodimo le boemo bo tlase; boemo bo bong le bo bong bo na le tlhaloso ya bona.
- Lekgetha la Sebopelohona ha le a arolwa ka bokgoni bo nang le boemo bo hodimo le bo tlase.

SENOTLOLO SA HO TSHWAYA:

Makgetha a tekanyetso	Matshwao	Senotlolo
Dikahare le Moralo (60%)	30	DM =
Puo le Setaele le Tokiso ya diphoso (30%)	15	PST =
Sebopelohona (10%)	05	Seb =
Matshwao ohle	50	



KAROLO YA A: RUBURIKI YA HO LEKANYETSA MOQOQO – (MATSHWAO A 50) SESOTHO PUO YA LAPENG (HL) – SLKT

Matgetha a ho lekanyetsa	Phihliello e babatsehlang	Phihliello e supang bokgoni	Phihliello e mahareng	Phihliello ya moltheo feela	Phihliello e haellang
DIKAHARE LE MORALO Nehelano ya sehlooho: thophiso ya mehopollo le dintha, kelichoko ya baamohedi ba ditaba, matkemiso le maemo	28-30 -nehelano e bontshang kutlwisiso e babatsehlang ya sehlooho e supang bokgoni bo ikgethang -mehopollo e bontsha boqheteke, e phiephetsa monahano, mme ke e sutisitseng -e hlophisitswe ka tsela e ikgethang/babatsehlang, mme e momahane ka tshwanelo ho kenyelletswa seletlela, mmele le qetelo	22-24 -nehelano e ralehleng hanthe haholo -mehopollo e tsamaellana le sehlooho ka bottlalo, e a kgahlisa, mme e na le bopaki ba mehopollo e sutisitseng -o hlophisitswe hanthe haholo, mme o momahane ka tshwanelo ho kenyelletswa seletlela, mmele le qetelo	16-18 - nehelano ke e kgotsotsofatsang ditlhoketso; - mehopollo e momahane ka tsela e kgotsotsofatsang le e kgodisang; - o hlophisitswe ka tsela e utlwisisehang mme o momahane ka tshwanelo ho kenyelletswa seletlela, mmele le qetelo	10-12 -nehelano e momahane mona le mane; -mehopollo ke e seng ya boiqapelo, mme e sa hlakang; -ho na le bopaki bo seng bokae ba thophiso le momahano ya nehelano	4-6 -nehelano e tswile lekoteng hohang; -mehopollo ke e sa tsepamang e dubakane; -ha e utlwahale, mme dintlha di a phetakatka; -ha e a hlophiswa ka tshwanelo le momahano ha e yo.
MATSHWAO A: 30	25-27 - mosebetsi o tswileng matsoho leha o haeliwa ke dintha tse ikgethang tsa moqoqo o babatsehlang; -mehopollo ke e sutisitseng mme e bontsha boqheteke; -o hlophisitswe hanthe haholo ka tsela e ikgethang, mme o momahane ka tshwanelo ho kenyelletswa seletlela, mmele le qetelo.	19-21 -Nehelano e radiiweng hanthe; - mehopollo ke e loketseng mme ke e thahasellang - o hlophisitswe hanthe ka tsela e bontshang bokgoni, mme o momahane ka tshwanelo ho kenyelletswa seletlela, mmele le qetelo.	13-15 -nehelano e a kgotsotsofatsa leha e sa hlaka mona le mane -mehopollo e momahane le ho kgodisa ka tsela e mahareng -ho na le thophiso le momahano e itseng ho kenyelletswa seletlela, mmele le qetelo	7-9 -nehelano boholo e tswile lekoteng -mehopollo ha e a momahana ka tshwanelo, mme e a lahlelisa -nehelano e na le bopaki bo fokolang haholo ba thophiso le momahano	0-3 -boitoko ha bo yo ba ho arabela sehlooho -mehopollo e tswile lekoteng ka ho phethahala, ha e a nepahala -nehelano ha e a tsepama sehloohong, mme e dubakane
MATSHWAO A: 30	14-15 - sehlo, rejisetara, setaele tlofantswe di loketsa sepheo ka tsela e babatsehlang, baamohedi ba ditaba mmoho le maemo; - tshbediso ya hae ya puo e a ikgetha, mme e bontsha botshupo ka tsela e isotshang - o sebeditswe sehlo se sefutho mme se susumetsang ka tsela e ikgethang - o batla o hloka dipheo tsa puo le tsa mopeleto; - o radiiwe ka bokgoni bo tsotshang haholo.	11-12 - sehlo, rejisetara, setaele le tlofantswe di loketsa sepheo, baamohedi ba ditaba mmoho le maemo haholo; - tshbediso ya puo e matla mme ho sebeditswe sehlo se loketseng ka nako tsohle; -bohlo ba mosebetsi ha o na dipheo tsa tshbediso ya puo le mopeleto; - o radiiwe hanthe haholo.	8-9 -sehlo, rejisetara, setaele le tlofantswe di loketsa sepheo, baamohedi ba ditaba mmoho le maemo -tshbediso ya puo ke e loketseng, mme e feitsa moelelo ka tshwanelo -puo ya bonono ke e loketseng, mme e sebeditswe ka tshwanelo -sehlo se sebeditswe ka tshwanelo: -o radiiwe ka tsela e mahareng feela	5-6 -sehlo, rejisetara, setaele le tlofantswe ha di a lokela sepheo, baamohedi ba ditaba mmoho le maemo -puo e sebeditswe feela ka tsela ya moltheo -sehlo mmoho le moelelo o hlalitswang ke tema ke tse sa lokelang ho sebeditswe tlofantswe ya moltheo feela	0-3 -puo e sebeditsweng ha se e utlwisisehang -sehlo, rejisetara, setaele le tlofantswe ha di a lokela baamohedi ba ditaba, sepheo le maemo -tshbediso ya tlofantswe e haellang haholo hoo nehelano e sa utlwisisehang
MATSHWAO A: 15	13 - tshbediso ya puo ke e matla mme e loketseng maemo - o batla o hloka dipheo tsa puo le tsa mopeleto; - o radiiwe ka bokgoni bo tsotshang.	10 - tshbediso ya puo ke e nepahatseng, mme e susumetsang sehlo sa tema - sehlo ke se matla mme se loketseng; - ho na le dipheo tse seng kae tsa puo le tsa mopeleto; - o radiiwe hanthe.	7 -tshbediso ya puo ke e kgotsotsofatsang leha ho na le ho se tsamaellane mona le mane -Ka kakaretso sehlo ke se loketseng leha puo ya bonono le e haellang	4 -puo ke ya moltheo feela, mme e sebeditswe ka tsela e haellang -popo ya dipolelo ke e tshwanang e se nang motswako -tlofantswe e haela haholo feela	
SEBOPEHO Matgetha a tema: popeho ya dipolelo le kgodiso ya diratswana.	5 -kgodiso ya sehlooho ke e babatsehlang -katoloso ya mehopollo ya sehlooho ke e ikgethang -dipolelo le diratswana di bopiliwe ka tsela e ikgethang	4 - mehopollo ke e hodisang sehlooho ka tshwanelo - momahano e bopiliweng ke e supang bokgoni; - dipolelo le diratswana di bopiliwe hanthe haholo	3 - mehopollo ke e loketseng e hodisang sehlooho ka tsela e mahareng - dipolelo le diratswana di bopiliwe hanthe; - moqoqo o ntse o hlalisa moelelo.	2 -e meng ya mehopollo ke e utlwalang -dipolelo le diratswana di na le dipheo moqoqo o a utlwisisa leha o le dipheo tse itseng	0-1 - mehopollo ya bohlokwa e a haela -dipolelo le diratswana tse hlalitsweng ke tse fosahetseng -moqoqo ha o na moelelo o lebelletsweng
MATSHWAO A: 5					

DEPARTMENT OF BASIC EDUCATION
PRIVATE BAG X895, PRETORIA 0001

24 -05- 2025

KAROLO YA B: DITEMA TSA KGOKAHANO**Ho tshwaya tema ya boiqapelo**

Tema ya kgokahano e lokela hore e bonahale hore e badilwe le ho tshwauwa ya ba ya abelwa matshwao ka tshwanelo.

Ho fapana le kgutsufatso, moo ho nang le dipehelo tsa mantswe tse notlehileng, tema ya kgokahano yona ke mosebetsi wa boiqapelo. Haeba tema e phalla malebana le boiqapelo ebile e hapa mmadi, ha se toka ho tsepamisa maikutlo ho bolelele feela ho sa tsotellwe dikahare. Molao o ka sehloohong ke wa hore:

Ha ho na dikotlo tse ding tse ka eketswang kaha ruburiki ka boyona e na le dikotlo tsa yona.

POTSO YA 2**2.1 RAPOROTO YA SEMMUSO****Sebopeho**


- Molaodi eo raporoto e lebisitsweng ho yena;
- Sehlooho sa raporoto;
- Ditaba kapa dintlha tseo ho tlalehwang ka tsona;
- Diphumano;
- Diqeto;
- Ditlhahiso/ditshisinyo
- Mohla le tshaeno

Dikahare tse ka lebellwang e ka ba tsena tse latelang:

- Mohlahlobuwa a ka tlaleha kamoo basebeletsi ba sa sebetseng ka botshepehi kateng;
- Mohlahlobuwa o ngola raporoto e yang ho molaodi wa kantoro ya tlahlabo ya makoloi e le ho pepesa bobodu bo etswang ke basebetsi ba pasisang dikoloi tse seng maemong a matle;
- A ka hlakisa le moo manyofonyofo ana a etsahallang teng;
- A ka hlalosa hape mokgwa oo ba ka thibelang manyofonyofo ana.

[25]**2.2 LENGOLO LA SEMMUSO****Sebopeho**

- Diaterese di pedi;
- Aterese ya mongodi wa lengolo e ngolwa ho tloha mahareng a leqephe ho leba ka letsohong le letona, e nto latelwa ke *letsatsi*, *kgwedi* le *selemo*, feela jwalo ka lengolo la setlwaedi;
- *Aterese ya ya ngollwang* (moamohedi) e ngolwa ka letsohong le letshehadi. Aterese ya moamohedi e etellwe pele ke maemo a tshebetso a ya ngollwang, ebe ho latela aterese ya hae ka botlalo;
- Tlasa aterese ho ngolwe tumedisso (monghadi, mofumahadi kapa mofumahatsana) ka botlalo, e seng dikgutsufatso (Mong/Mof);
- Tlasa tumedisso ho ngolwa *mola wa sehlooho* – o totobatsang sepheo sa lengolo leo;
- Kamora mola wa sehlooho ho ngolwa seratswana sa selelekela seo e leng ntshetsopele ya ditaba;



- Ho feta mona seratswana se seng le se seng ke se matlafatsang mahlakore a fapaneng a taba eo ho buuwang ka yona. Ho siuwe mola pakeng tsa diratswana;
- Qetelo le yona ke ya puo ya semmuso, mme e ka ngolwa e le 'Ka botshepehi', 'Wa tsena', 'Ka boikokobetso', jj.
- Ya ngolang lengolo o lokela ho saena pele. A nto ngola lebitso la hae ka botlalo ka tlase.

Dikahare tse ka lebellwang:

- Mohlahlobuwa a ka bua ka mathata ao a tobaneng le ona ka dieta tseo a di rekileng marangrang;
- A ka hlalosa maemo a dieta tseo ka botlalo.
- A ka fana ka tharollo ya hore ho etsahale eng.

[25]

2.3 ATIKELE E YANG KORANTENG

Ena ke tokomane ya dikgokahano e yang dimakasineng.

Sebopeho

- Atikele e ba le sehlooho se matla se bileng se hohela mahlo a mmadi;
- Lebitso la moqolotsi wa ditaba le sebaka seo atikele e ngolletsweng teng di ngolwa ka hodima seratswana sa pele;
- E arolwa ka dikholomo tse bopilweng ka diratswana tse kgutshwane;
- Ditaba di hlalisoa ka sebopeho sa phiramiti/fanele.

ELA TLHOKO: Ha mohlahlobuwa a sa ngola atikele ka mokgwa wa dikholomo/boloko, a se fuwe kotlo.

Dikahare:

- Mohlahlobuwa a ka qala pele ka sepheo sa atikele e leng moaparo o swabisang o tenwang mehleng ena;
- A hlalose hore moaparo o swabisang ke o jwang;
- A fane ka dikeletso moo a eletsang batho ka moaparo o nepahetseng o ka aparwang mehleng ena.


[25]

2.4 INTHAVIU

Inthaviu ke puisano e ikgethang dipakeng tsa batho ba babedi kapa ho feta moo, ka sepheo se itseng.

Sebopeho

- Ya etellang inthaviu o botsa dipotso ka tsela e tla utulla dikarabo tseo a di lebelletseng;
- Jwalo ka ho puisano, lebitso la sebui le ngolwe ka letsohong le letshehadi la leqephe, le bile le latelwa ke letshwao la kgutlopedi;
- Selelekeleng mmotsi o nehelana ka tlhahisoleseding e amanang le sepheo sa inthaviu;
- Mmeleng mmotsi o botsa mmotsuwa dipotso tse itshetlehileng sehloohong se itseng mme mmotsuwa o araba dipotso tsena;
- Dipotso di ka nyalana le dikarabo tse hlalisoang pejana, mme dikarabo tsohle di tobe dipotso;



- 2.4 • Sehalo e be se lokelang kopano ena, mme puo e be ya semmuso.

Dikahare tse ka lebellwang:

- Mohlahlobuwa a ngole inthaviu eo a tlang ho ba le seabo ho yona, e dipakeng tsa hae le mosuwehlooho wa sekolo sa habo, moo a hlalolang tsa boitokisetso ba hae ha a ne a hlotse dingangisano tsa dikolo tsa puo e hlophisitsweng.

[25]

2.5 **LENGOLO LA SETSWALLE**

Sebopeho

- Aterese e nngwe, ya mongodi, mme e ngolwa e qala hodimo bohareng ba leqephe ho tloha tsohong le letshehadi ho ya ho le letona;
- Aterese e ngolwa ka mokgwa wa boloko; ha ho ngolwe matshwao a puo, ntle le ha ho sebedisitswe aterese ya lebokoso la poso;
- Aterese ya moamohedi (ya ngollwang) ha e hlahiswe mofuteng ona wa lengolo;
- Kamora mohla ho tlolewa mola, ebe ho tla tumedisiso;
- Seratswana sa selelekela se lokela ho ba sekgutshwanyane;
- Mmele wa lengolo o ahwe ka diratswana tse seng kae;
- Qetelo ya lengolo ke e kgutshwane ka tlwaelo, mme e phethela ditaba;
- Lengolong la setlwaedi ha ho hlokehe hore o ngole fane ya hao.

Dikahare tse ka lebellwang:

- Mohlahlobuwa o ngola lengolo ho leboha rakgadi ha a ne a mo etetse.
- A hlahise le kamoo a thabetseng tsohle kateng.

[25]

2.6 **TSA BOPHELO BA MOFU**

Ena ke tokomane eo ho yona ho buuwang ka tsa bophelo ba mofu.

Dikahare:

- Mohlahlobuwa a hlahise mabitso a mofu le a batswadi, tlhaho jj
- A bue ka tsa thuto, mosebetsi, lenyalo, jj
- A bue ka sesosa sa lefu le letsatsi la lefu, maballo le seboko.


[25]

MATSHWAO OHLE A KAROLO YA B:

50

MATSHWAO OHLE A PAMPIRI ENA:

100



KAROLO YA B: DITEMA TSA KGOKAHANO**ELA TLHOKO:**

- Sebedisa ruburiki ena e latelang ka nako tsohle ha o lekanyetsa ditema tsa kgokahano.
- Matshwao a 0–25 a arotswe ho ya ka dikgato tse 5 tsa ditlhaloso tsa phihlello.

SENOTLOLO SA HO TSHWAYA:


Makgetha a Tekanyetso	Matshwao	Senotlolo
Dikahare, Moralo le Sebopeho (60%)	15	DMS =
Puo, Setaele le Tokiso ya diphoso (40%)	10	PST =
MATSHWAO OHLE	25	

Ho tshwaya tema ya boiqapelo

Tema ha e a lokela hore e Abelwe matshwao ntle le sesupo sa hore e badilwe hantle ka nepo. Matshwao a qetelo a abilweng bakeng sa tema, a lokela a be le bopaki ba hore e tshwauwe ka nepo.

Ho fapana le kgutsufatso, moo ho nang le dipehelo tsa mantswe tse notlehileng, tema ke mosebetsi wa boiqapelo. Haeba tema e phalla malebana le boiqapelo ebile e hapa mmadi, ha se toka ho tsepamisa maikutlo ho bolelele feela ho sa tsotellwe dikahare. Molao o ka sehloohong ke wa hore:

- Ha ho na dikotlo tse ding tse ka eketswang kaha ruburiki ka boyona e na le dikotlo tsa yona.



RUBURIKI YA HO LEKANYETSA TEMA YA KGOKAHANO – SESOTHO PUO YA LAPENG [MATSHWAO A 25]

Makgetha a ho lekanyetsa	Phihlelo e babatsehlang	Phihlelo e supang bokgoni	Phihlelo e mahareng	Phihlelo ya motheo feela	Phihlelo e haellang
DIKAHARE, MORALO LE SEBOPEHO (Nehelano le mehopollo) Ho rala, ho hlophisa mehopollo Kelohlolo ya maikemisetso, baamohedi ba ditaba le matshwao/makgetha a tema le maemo	13-15 -Nehelano e babatsehlang ya sehlooho e supang bokgoni bo ikgethang -Mehopollo e matla e suitsitseng -Tsebo e batsi ya makgetha a mofuta ona wa tema -Nehelano ha e kgere e tsepame sehloohong -Mehopollo le dikahare ke tse momahaneng, tse hlahositsewang ka botebo, mme dintlha di tshetsetsa sehlooho -Sebopeho ke se loketseng se nang le diphošo tse itseng	10-12 -Nehelano e ntle haholo e bontshang tsebo e ntle ya makgetha a mofuta ona wa tema -Nehelano ha e kgere e tsepame sehloohong -Mehopollo le dikahare ke tse momahaneng, tse hlahositsewang ka botebo, mme dintlha di tshetsetsa sehlooho -Sebopeho ke se loketseng se nang le diphošo tse itseng	7-9 -Nehelano e lekaneng e bontshang tsebo ya makgetha a mofuta ona wa tema -Nehelano e na le tsepamo e itseng feela sehloohong mme ho na le ho kgere ho itseng -Mehopollo le dikahare di na le momahano e amohelang -Ke dintlha tse itseng feela tse tshetsetsang sehlooho -Ka kakaretso sebopeho ke se loketseng empa se nang le diphošo tse mmalwa	4-6 -Nehelano ya motheo e bontshang tsebo ya makgetha a itseng feela a mofuta ona wa tema -Nehelano ha e a tsepama sehloohong ka ho phethahala mme e a kgere -Mehopollo le dikahare ha se ka mehla di momahaneng -Sehlooho se tshetsetsa ke dintlha tse itseng feela -Sebopeho se fofo feela, mme se na le bohlotisa bo boholo	0-3 -Nehelano e totobatsa kgaello ya tsebo ya makgetha a mofuta ona wa tema -Moelelo o nyotobetswa ke ho kgere ho hoholo -Mehopollo le dikahare ha di na momahano -Ke dintlha tse mmalwa haholo tse tshetsetsang sehlooho -Ha ho na boiteko bo entsweng ho sebedisa sebopeho se nepahetseng
PUO, SETAELE LE TOKISO YA DIPHOŠO Sehalo, rejistara, setaele, maikemisetso, baamohedi ba ditaba le maemo. Tshebediso ya puo, tswaelo ya tshebediso ya puo, kgetho ya manitswe, matshwao a puo le mopeleto. MATSHWAO A: 10	9-10 -Sehalo, rejistara, setaele le tlotlontswe di loketse maikemisetso, baamohedi ba ditaba le maemo ka tsela e babatsehlang -Tshebediso ya puo e nepahetse ebile e bopehile hantle haholo -Nehelano ha e na diphošo	7-8 -Sehalo, rejistara, setaele le tlotlontswe di loketse maikemisetso, baamohedi ba ditaba le maemo hantle -Ka kakaretso tshebediso ya puo ke e nepahetseng e bileng e bopehile hantle -Tshebediso ya tlotlontswe e ntle haholo -Nehelano boholo ha e na diphošo	5-6 -Sehalo, rejistara, setaele le tlotlontswe di loketse maikemisetso, baamohedi ba ditaba le maemo -Nehelano e na le diphošo tse itseng tsa tshebediso ya puo -Tshebediso ya tlotlontswe ke e lekaneng -Diphošo ha se tse nyotobetsang moelelo	3-4 -Sehalo, rejistara, setaele le tlotlontswe di loketse maikemisetso, baamohedi ba ditaba le maemo hanyane -Tshebediso ya puo e fosahetse ebile e tletse diphošo tse ngata -Tshebediso e seng kae ya tlotlontswe -Moelelo o nyotobetswe	0-2 -Sehalo, rejistara, setaele le tlotlontswe ha di dumellane le maikemisetso, baamohedi ba ditaba le maemo -Nehelano e tletse diphošo e dubakane -Tlotlontswe ha e dumellane le maemo -Moelelo o nyotobetswe haholo